

ЕРЕВАНСКИЙ
ГОСУДАРСТВЕННЫЙ
УНИВЕРСИТЕТ

ФАКУЛЬТЕТ АРМЯНСКОЙ
ФИЛОЛОГИИ



YEREVAN STATE
UNIVERSITY

FACULTY OF ARMENIAN
PHILOLOGY

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՀԱՅ ԲԱՆԱՍԻՐՈՒԹՅԱՆ ՖԱԿՈՒԼՏԵՏ

Արվյան 52^ա • Республика Армения, Ереван, 0025, Абовяна 52^а • 52^а Abovyan, 0025, Yerevan, Republic of Armenia
(+374 10) 54-43-91/94,95,96/1-37, armphilology@ysu.am, www.y-su.am

Ա Ր Ձ Ա Ն Ա Գ Ր ՈՒ Թ Յ ՈՒ Ն Թ Ի Վ 6
ԵՊՀ ՀԱՅ ԲԱՆԱՍԻՐՈՒԹՅԱՆ ՖԱԿՈՒԼՏԵՏԻ ԳԻՏԽՈՐՀՐԴԻ՝
2024 Թ. ԱՊՐԻԼԻ 4 - ԻՆ ԿԱՅԱՑԱԾ ՆԻՍՏԻ

Օրակարգում՝

- 2023-2024 ուստարվա երկրորդ կիսամյակի առաջին ընթացիկ քննությունների ընթացքը (զեկուցող՝ Ա. Սարգսյան):
- Հայ նորագույն գրականության պատմության և գրաքննադատության ամբիոնի տարեկան հաշվետվությունը:
- Ընթացիկ հարցեր:

Սկսելով գիտական խորհրդի նիստը՝ հայ բանասիրության ֆակուլտետի դեկան դոց. Ա. Գալստյանը տեղեկացրեց, որ գիտխորհրդի 32 անդամներից նիստին մասնակցում է 29-ը, և ապահովված է անհրաժեշտ քվորումը: Նա այնուհետև ընթերցեց նիստի օրակարգը, որը հաստատվեց միաձայն բաց քվեարկությամբ:

Օրակարգի 1-ի հարցի առթիվ հայ բանասիրության ֆակուլտետի դեկանի տեղակալ դոց. Ա. Սարգսյանը տեղեկացրեց, որ արդեն 2-րդ կիսամյակի առաջին ընթացիկ քննությունները մեկնարկել են նորմալ, ընթացքը հանգիստ է, հատուկ դեպքեր, բողոքներ չկան թե՛ ուսանողների, թե՛ դասախոսների կողմից:

Ա. Սարգսյանը ևս մեկ անգամ հիշեցրեց, որ քննությունների արդյունքների մասին պետք է տեղեկացնել ուսանողներին, իսկ էլեկտրոնային հարթակում ժամանակին և ուշադիր լրացնել քննական տեղեկագրերը:

Օրակարգի 2-րդ հարցի առթիվ ֆակուլտետի դեկան դոց. Ա. Գալստյանը ձայնը տվեց նիստին ներկա հայ նորագույն գրականության պատմության և գրաքննադատության ամբիոնի վարիչ Բ. Գ. Թ., դոցենտ Սեյրան Գրիգորյանին, ով ներկայացրեց ամբիոնի տարեկան հաշվետվությունը: Դոց. Ս. Գրիգորյանը իր խոսքում մասնավորապես նշեց.

Հայ նորագույն գրականության պատմության և գրաքննադատության ամբիոնը տարվա ընթացքում աշխատանքներ է կատարել ուսումնական գործընթացի զարգացման և թարմացման ուղղությամբ: Ամբիոնի աշխատակիցները կրթական գործին զուգահեռ շարունակել են նաև գիտահետազոտական աշխատանքները, հրատարակել հոդվածներ, մասնակցել գիտաժողովների:

Անցյալ տարեվերջին «Հայագիտական ուսումնասիրությունները ֆինանսավորող համահայկական հիմնադրամի» դրամաշնորհով տպագրվել է ամբիոնի դոցենտ Ս. Գրիգորյանի «Եղիշե Չարենցը և 20-րդ դարի հայ գրականությունը (Վահան Տերյան, Ավետիս Ահարոնյան)» մենագրությունը: Պատրաստ է պրոֆեսոր Ա. Ավագյանի «Հակոբ Մնձուրի. Կյանքը և գործը» մենագրությունը, որը շուտով կներկայացվի տպագրության: Ասիստենտ Մ. Ղազարյանը աշխատում է Հակոբ Օշականի փոքր արձակի հետազոտությանը նվիրված մենագրությունը:

Ամբիոնի դասախոսները միջազգային, հանրապետական և ԵՊՀ գիտական հանդեսներում տպագրել են բազմաթիվ հոդվածներ:

Պրոֆեսոր Վ. Գաբրիելյանը տպագրել է Չարենցի դիմանկարը ետչարենցյան հայ բանաստեղծության մեջ» հոդվածը («Բանբեր Երևանի համալսարանի», 2024, թիվ 1):

Պրոֆեսոր Ժ. Քալանթարյանը անցյալ տարվա ընթացքում տպագրել է երեք հոդված՝ «Բանաստեղծ գրականագետը» («Բանբեր Երևանի համալսարանի», 2023, թիվ 1), «Եղիշե Չարենցի ստեղծագործությունների արձագանքը 1920-ական թվականների սփյուռքահայ մամուլում» («Գրականագիտական հանդես», 2023, թիվ 1), «Խոսք Մանուկ Աբեղյանի մասին» («Հուշարձան Մանուկ Աբեղյանին» հոդվածների ժողովածու): Տպագրության է հանձնել ևս մեկ հոդված:

Պրոֆեսոր Ա. Ավագյանը տպագրել է «Կենդանիների և բույսերի անձնավորումը Հակոբ Մնձուրու ստեղծագործություններում» («Վեմ» համահայկական հանդես, 2023, թիվ 1), «Փոքր Արմտանի մեծ վկան» («Բանբեր Երևանի համալսարանի», 2023, թիվ 2) և «Մեծ եղեռնի Արմտանի վկան» («Բանբեր Երևանի համալսարանի», 2023, թիվ 3) հոդվածները: Տպագրության է հանձնել երեք նոր հոդված:

Դոցենտ Արմեն Ղազարյանը հրատարակել է «Հայոց ինքնուրույն թագավորության վերականգնման մտադրությունը Վարդանի և Վասակի ծրագրերում (կերպարի մեկնաբանության դեմիթրճյանական ինքնատիպությունը «Վարդանանքում»)» հոդվածը («Տարածաշրջան և աշխարհ» գիտավերլուծական հանդես, 2023, թիվ 4):

Դոցենտ Ս. Գրիգորյանը տպագրել է մեկ հոդված՝ «Արտաշես Հարությունյանի «Ոսկիամայր դիցուհին» բանաստեղծությունը Դանիել Վարուժանին վերագրելու պատմությունը» («Բանբեր Երևանի համալսարանի», 2024, թիվ 1): Տպագրության է հանձնել ևս երկու հոդված, որոնցից մեկը՝ միջազգային գրախոսվող հանդեսում:

Լույս են տեսել դոցենտ Ա. Արզումանյանի «Միջառարկայական կապեր. գրականություն և երաժշտություն» («Կրթությունը 21-րդ դարում» գիտամեթոդական միջազգային հանդես, 2023, թիվ 1) և «Ծառապատկերի խորհրդաբանության իմաստային հոսքերը (Հր. Մաթևոսյան – Մ. Գալշոյան – Վ. Պետրոսյան)» («Բանբեր Երևանի համալսարանի», 2024, թիվ 1) հոդվածները: Տպագրության է հանձնել ևս մեկ հոդված:

Դոցենտ Լ. Սեյրանյանը հրատարակել է «Հացահատիկի խորհրդաբանությունը Միհր-Քրիստոս-Փոքր Միեր առնչության համատեքստում» («Բանահյուսություն և գրականություն» միջազգային գիտաժողովի նյութերի ժողովածու, Գավառի պետական համալսարան, 2023) և «Կյանք-մահ, կոսմոս-քաոս, խոսք-կյանք առնչությունները Չարենցի մի շարք երկերի քննաբանման օրինակով» («Գրականագիտական հանդես», 2023, թիվ 2) հոդվածները: Տպագրության է ներկայացրել ևս երեք հոդված, որոնցից երկուսը՝ միջազգային գրախոսվող հանդեսներում:

Ասիստենտ Մ. Ղազարյանը տպագրել է «Տեղագրական պատկերները Հակոբ Մնձուրու պատմվածքներում» («Վեմ» համահայկական հանդես, 2022, թիվ 4) հոդվածը:

2023 թ. նոյեմբերին կայացել է Խ. Աբովյանի անհետացման 175-ամյակին նվիրված հանրապետական գիտաժողով, որի ընթացքում Ս. Գրիգորյանը հանդես է եկել «Շարլոտտա Շուլցի կերպարը Խ. Աբովյանի «Դորպատյան օրագրերում և Ե. Չարենցի «Դեպի լյառը Մասիս» պոեմում» գեկուցումով: Նույն ամսին կայացել է Էդ. Ջրբաշյանի 100-ամյակին նվիրված գիտաժողով, որին գեկուցումներով մասնակցել են Ժ. Քալանթարյանը («Էդվարդ Ջրբաշյան գրականագետը») և Ս. Գրիգորյանը («Հատվածի ժանրը Վ. Տերյանի և Ե. Չարենցի պոեզիայում»): Երկուսն էլ որպես հոդված տպագրվել են «Ակադեմիկոս Էդվարդ Ջրբաշյան 100» ժողովածուի մեջ:

2024 թվականը մեր ամբիոնի դասընթացներում ընդգրկված մի քանի հեղինակների հոբելյանների տարի է: Լրանում են Ակսել Բակունցի 125-ամյակը, Համո Սահյանի 110-ամյակը, Պարույր Սևակի և Մկրտիչ Սարգսյանի 100-ամյակը: Մի քանի օր առաջ լույս տեսավ «Սյունյաց երկիր» թերթի մշակութային բացառիկ ծավալուն համարը՝ նվիրված Համո Սահյանի հոբելյանին: Համարում հոդվածներ ունեն ամբիոնի աշխատակիցներ Ս.Գրիգորյանը և Լ. Սեյրանյանը: Ամբիոնը այս տարվա աշնանը ՀՀ ԳԱԱ Մ. Աբեղյանի անվան գրականության ինստիտուտի հետ կանցկացնի Պարույր Սևակի 100-ամյակին նվիրված հանրապետական գիտական նստաշրջան, որի նախապատրաստական աշխատանքները սկսվել են:

Շարունակվել է գիտական կադրերի պատրաստման աշխատանքը մագիստրատուրայում և ասպիրանտուրայում: Ակադեմիկոս Հրանտ Թամրազյանի անվան հայ գրականության պատմության և գրականության տեսության ամբիոնի հետ կազմել ենք 1,5 տարի տևողությամբ «Հայ գրականություն» մագիստրոսական նոր ծրագիրը: 2023 թ. հունիսի 28-ին ամբիոնի հայցորդ Մարինե Ղազարյանը պաշտպանել է «Հակոբ Օշականի փոքր արձակը (հոգևորի և բնագոյայինի խնդիրը)» թեմայով թեկնածուականատենախոսություն, որի համար ՀՀ ԲՈԿ-ը նրան շնորհել է բանասիրական գիտությունների թեկնածուի գիտական աստիճան: Տարեվերջին հեռակա ուսուցման մեկ ասպիրանտ և մեկ հայցորդ հաջողությամբ հանձնել են որակավորման քննությունը: Ամբիոնն ընդունել է նոր հայցորդ, որի ատենախոսության թեման հաստատվել է:

Հաշվետվության վերաբերյալ ելույթ ունեցան, բ. գ. դ., պրոֆ. պրոֆ. Յու. Ավետիսյանը, Ա. Աբաջյանը, բ. գ. թ., դոց. դոց. Ա. Տեր-Մինասյանը, Ա. Ջրբաշյանը և այլք: Նշվեց, որ հայ նորագույն գրականության և գրաքննադատության ամբիոնը կատարել է մեծ և արդյունավետ աշխատանք գիտակրթական գործունեության կազմակերպման առումով: Խորհուրդը ամբիոնի կատարած աշխատանքը գնահատեց բարձր:

Ընթացիկ հարցերում՝

1. **ԼՍԵՑԻՆ** - Բանասիրական գիտությունների թեկնածու, հայոց լեզվի ամբիոնի ասիստենտ Անահիտ Լևոնի Մանուկյանին դոցենտի գիտական կոչման գործընթացին մասնակցելու միջնորդություն տալու հարցը:

ԱՐՏԱՀԱՅՏՎԵՑԻՆ - Պրոֆ. Պրոֆ. Յու. Ավետիսյանը, Ս. Մուրադյանը, դոց., դոց. Ա. Գալստյանը, Թ. Տոնոյանը, Մ. Ֆալակյանը:

Նշվեց, որ ասիստենտ Անահիտ Մանուկյանի գիտամանկավարժական գործունեությունը արդյունավետ է: 1992 թ. պաշտպանել է թեկնածուական ատենախոսություն՝ «Ժամանակակից հայ արձակի լեզվի և ոճի հարցեր» թեմայով: Համահեղինակ է 2015թ. տպագրված «Հայոց լեզվի և խոսքի մշակույթի գործնական առաջադրանքների ձեռնարկ» ուսումնամեթոդական աշխատանքի: Հրատարակել է 5 գիտական, 1 մեթոդական հոդված և 1 թեզիս: 1991 թվականից աշխատում է հայոց լեզվի ամբիոնում որպես ասիստենտ: «Դասախոսն ուսանողի աչքերով» սոցիալոգիական արդյունքը 4.4 միավոր է:

Ներկայացված փաստաթղթերը հիմք են տալիս երաշխավորելու Անահիտ Մանուկյանին՝ մասնակցելու դոցենտի գիտական կոչման համար սահմանված գործընթացին:

ՈՐՈՇԵՑԻՆ – Հայոց լեզվի ամբիոնի ասիստենտ Անահիտ Մանուկյանին երաշխավորել մասնակցելու դոցենտի կոչում շնորհելու գործընթացին:

2. ԼՍԵՑԻՆ – Բանասիրական գիտությունների թեկնածու, հայոց լեզվի ամբիոնի ասիստենտ Սուսաննա Վոլոդի Գաբրիելյանին դոցենտի գիտական կոչման գործընթացին մասնակցելու միջնորդություն տալու հարցը:

ԱՐՏԱՀԱՅՏՎԵՑԻՆ - Պրոֆ. Յու. Ավետիսյանը, դոց., դոց. Ա. Գալստյանը, Ա. Տեր-Մինասյանը, Զ. Աղաջանյանը:

Նշվեց, որ ասիստենտ Սուսաննա Գաբրիելյանի գիտամանկավարժական գործունեությունը արդյունավետ է: 1988թ. պաշտպանել է թեկնածուական ատենախոսություն՝ «Սովետահայ պոեզիան 1930-ական թթ. առաջին կեսին (գարգացման միտումներ և ուղղություններ)» թեմայով: Համահեղինակ է 2016 թ. տպագրված «Հայոց լեզվի գործնական առաջադրանքների ձեռնարկ» և 2022 թ. տպագրված «Հայոց լեզու և խոսքի մշակույթ» (դասագիրք բնագիտամաթեմատիկական ֆակուլտետների համար) ուսումնամեթոդական աշխատանքների: Հրատարակել է 13 գիտական, 1 մեթոդական հոդված և 3 թեզիս: 1993 թվականից աշխատում է հայոց լեզվի ամբիոնում՝ որպես ասիստենտ: «Դասախոսն ուսանողի աչքերով» սոցիալոգիական արդյունքը 4.7 միավոր է:

Ներկայացված փաստաթղթերը հիմք են տալիս երաշխավորելու Սուսաննա Գաբրիելյանին՝ մասնակցելու դոցենտի գիտական կոչման համար սահմանված գործընթացին:

ՈՐՈՇԵՑԻՆ – Հայոց լեզվի ամբիոնի ասիստենտ Սուսաննա Գաբրիելյանին երաշխավորել մասնակցելու դոցենտի կոչում շնորհելու գործընթացին:

3. ԼՍԵՑԻՆ – Բանասիրական գիտությունների թեկնածու, հայոց լեզվի ամբիոնի ասիստենտ Հրաժին Գրիշայի Սարգսյանին դոցենտի գիտական կոչման գործընթացին մասնակցելու միջնորդություն տալու հարցը:

ԱՐՏԱՀԱՅՏՎԵՑԻՆ - Պրոֆ. Յու. Ավետիսյանը, դոց., դոց. Ա. Գալստյանը, Թ. Տոնոյանը, Մ. Ֆալակյանը:

Նշվեց, որ ասիստենտ Հրաժին Սարգսյանի գիտամանկավարժական գործունեությունը արդյունավետ է: 1991թ. պաշտպանել է թեկնածուական ատենախոսություն՝ «Անհատի

ձևավորման պրոբլեմը սովետահայ ինքնակենսագրական վեպում» թեմայով: Համահեղինակ է 2005թ. տպագրված «Գերմաներեն-հայերեն բառարան գործարարների համար (տնտեսագիտության ֆակուլտետի ուսանողների համար)» բառարանի: Հրատարակել է 6 գիտական և 2 մեթոդական հոդված: 1993 թվականից աշխատում է հայոց լեզվի ամբիոնում՝ որպես ասիստենտ:

«Դասախոսն ուսանողի աչքերով» սոցիալական արդյունքը 4.4 միավոր է:

Ներկայացված փաստաթղթերը հիմք են տալիս երաշխավորելու Հրածին Սարգսյանին՝ մասնակցելու դոցենտի գիտական կոչման համար սահմանված գործընթացին:

ՈՐՈՇԵՑԻՆ – Հայոց լեզվի ամբիոնի ասիստենտ Հրածին Սարգսյանին երաշխավորել մասնակցելու դոցենտի կոչում շնորհելու գործընթացին:

4. ԼՍԵՑԻՆ – Բանասիրական գիտությունների դոկտոր, հայոց լեզվի ամբիոնի դոցենտ Փառանձեմ Գառնիկի Մեյթիխանյանին պրոֆեսորի կոչում շնորհելու միջնորդություն տալու հարցը:

ԱՐՏԱՀԱՅՏՎԵՑԻՆ - Պրոֆ. Յու. Ավետիսյանը, դոց., դոց. Ա. Գալստյանը, Թ. Տոնոյանը, Մ. Ֆալակյանը:

Նշվեց, որ Փառանձեմ Մեյթիխանյանը 1991 թվականից աշխատում է ԵՊՀ հայոց լեզվի ամբիոնում՝ ծավալելով գիտամանկավարժական արդյունավետ գործունեություն: 1990 թ. պաշտպանել է թեկնածուական ատենախոսություն «Հայերեն նոր բառերի քննությունը (բառարանագրական նյութի հիման վրա)» թեմայով: 2017 թ. պաշտպանել է դոկտորական ատենախոսություն «Աստվածաշնչի հատկանվանաբանություն» թեմայով: 2004 թ.-ից հայոց լեզվի ամբիոնի դոցենտ է:

Տպագրել է գիտական բազմաթիվ ուսումնասիրություններ՝ 12 ուսումնամեթոդական աշխատանք, 6 մենագրություն, 30 հոդված: Հեղինակ է բառարանների, ՀՀ ԿԳՄՍ նախարարության կողմից հաստատված դասագրքերի: Փ. Մեյթիխանյանը արժանացել է կառավարական պարգևների՝ ՀՀ նախագահի և վարչապետի շնորհակալագրերի:

«Դասախոսն ուսանողի աչքերով» սոց. հարցման արդյունքը 4. 67 միավոր է:

Ներկայացված փաստաթղթերը հիմք են տալիս երաշխավորելու Փառանձեմ Մեյթիխանյանին մասնակցելու պրոֆեսորի գիտական կոչման համար սահմանված ընթացակարգին:

ՈՐՈՇԵՑԻՆ – Հայոց լեզվի ամբիոնի դոցենտ Փառանձեմ Մեյթիխանյանին երաշխավորել մասնակցելու պրոֆեսորի կոչման համար սահմանված գործընթացին:

5. ԼՍԵՑԻՆ – ԵՊՀ հայոց լեզվի ամբիոնի վարիչ, Բ. Գ. դ., պրոֆ. Յու. Ավետիսյանի «Ժամանակակից հայոց լեզու. ձևաբանություն» գիրքը տպագրության երաշխավորելու հարցը:

ԱՐՏԱՀԱՅՏՎԵՑԻՆ - Պրոֆ., պրոֆ. Ալ. Մակարյանը, Մ. Մուրադյանը, դոց., դոց. Ա. Գալստյանը, Ա. Սարգսյանը, Թ. Տոնոյանը, Մ. Ֆալակյանը:

Ելույթ ունեցողները նշեցին, որ ժամանակակից հայոց լեզվի ձևաբանության նոր դասագիրք կազմելը անհրաժեշտ էր: Յու.Ավետիսյանի գիրքը շատ հաջողված աշխատանք է, արժեքավոր է, նոր, սպասված: Գրքի մեծ առավելությունն այն է, որ ծավալով փոքր է, բայց ընդգրկուն, ոչ մի բաժին դուրս չի մնացել: Էլեկտրոնային հարթակում գիրքը 2 տարի փորձարկվում է, օգտագործվում է հայ բանասիրության ֆակուլտետի ուսումնական գործընթացում Մ.Ասատրյանի գրքին զուգահեռ:

Աշխատությունը արժանի է անհապաղ հրատարակվելու: Առաջարկվեց աշխատությունը դարձնել դասագիրք:

ՈՐՈՇԵՑԻՆ – Հայոց լեզվի ամբիոնի վարիչ, բ. գ. դ., պրոֆ. Յու. Ավետիսյանի «Ժամանակակից հայոց լեզու. ձևաբանություն» գիրքը՝ որպես դասագիրք, երաշխավորել տպագրության:

6. ԼՄԵՑԻՆ – Բ. գ. թ., դոց. Գաղթուհի Կարապետի Հանանյանի «Բառարան Սվեդիայի բարբառի (Խտրբեկի խոսվածք)» բառարանը հրատարակության երաշխավորելու հարցը:

ԱՐՏԱՀԱՅՏՎԵՑԻՆ - Պրոֆ. պրոֆ. Ա. Աբաջյանը, Ալ. Մակարյանը, դոց., դոց. Ա. Գալստյանը, Ա. Սարգսյանը, Ն. Դիլբարյանը, Ս. Ավետյանը:

Նշվեց, որ հետմահու տպագրության հանձնվող այս բառարանն ունի և՛ լեզվաբանական արժեք, և՛ պատմական, ազգագրական, հայերենագիտական լուրջ կարևորություն, որովհետև մոռացության և կորստի ճիրաններից փրկել է մի ողջ տարածաշրջանի նախորդ դարերի բառազանձը՝ հնարավորինս ճշտված և ամենաընդհանուր իմաստներով: Բառարանը տալիս է ուսումնասիրության մեծ նյութ՝ հասկանալու այդ տարածաշրջանի մարդկանց կենցաղը, սովորությունները, ապրելակերպը, հավատալիքները: Չնայած հայերենում ունենք Հ. Աճառյանի անվան լեզվի ինստիտուտի հրատարակած «Հայոց լեզվի բարբառային բառարանը», շուրջ մեկ տասնյակ առանձին բարբառների բառամթերքին նվիրված աշխատություններ, բայց Գ. Հանանյանի բառարանը աննախադեպ է բառերի շարահյուսական կիրառության օրինակներով և դրանց արևելահայերեն փոխադրումներով: Բառարանի բառամթերքը ներկայացնելով՝ Գ. Հանանյանը նաև հսկայական նյութ է տալիս Խտրբեկի խոսվածքի հնչյունական, քերականական իրողությունների նկարագրությամբ, որը դասագրքային արժեք կարող է ձեռք բերել «Բարբառագիտություն» առարկան ուսումնասիրողների համար: Այն նաև ուսումնասիրության լայն ասպարեզ է բացում օրեցօր ավելի զարգացող համեմատական բարբառագիտության համար. բարբառների համեմատական ուսումնասիրության համար ծնում է բազմաթիվ կենսական հարցեր՝ ինչպե՞ս են առաջացել նշված լեզվական իրողությունները, արդյոք դրանք եզակի՞ են մեր բարբառներում, թե՞ ունեն իրենց զուգահեռ ձևերը այլ բարբառներում, ինչպիսի՞ հնագույն լեզվական իրողություններ կան պահպանված դրանցում և այլն:

Բառարանի վերաբերյալ առկա են դոց. դոց. Ն. Դիլբարյանի, Ս. Գրիգորյանի և Ա. Կարապետյանի դրական կարծիքները, գրքի գիտական խմբագիրն է Հ. Չոլաքյանը:

ՈՐՈՇԵՑԻՆ – Գ. Հանանյանի «Բառարան Սվեդիայի բարբառի (Խտրբեկի խոսվածք)» բառարանը երաշխավորել տպագրության:

7. **ԼՍԵՑԻՆ** – Բ. գ. թ., դոցենտ Ռուզաննա Ալեքսանդրի Սարգսյանի դոկտորական ատենախոսության թեմայի հաստատման հարցերը:

ԱՐՏԱՀԱՅՏՎԵՑԻՆ - Պրոֆ. Պրոֆ. Ալ. Մակարյանը, Ս. Մուրադյանը, դոց., դոց. Ա. Գալստյանը, Ա. Ջրբաշյանը, Վ. Եղիազարյանը:

Նշվեց, որ Դինա Ռուբինայի ստեղծագործության քննությունը մշտապես արդիական է: Ռ. Սարգսյանը հանգամանալից տեղյակ է թեմային, երկար ժամանակ զբաղվել է դրա ուսումնասիրությամբ և ցանկանում է այն շարունակել որպես դոկտորական ատենախոսության թեմա:

ՈՐՈՇԵՑԻՆ – Բ. գ. թ., դոցենտ Ռուզաննա Ալեքսանդրի Սարգսյանի դոկտորական ատենախոսության թեմա հաստատել՝ «Դինա Ռուբինայի վիպական շարքերի միֆապոետիկան»՝ Ժ 01. 04 - «Գրականության տեսություն» մասնագիտությամբ:

ՀԱՅ ԲԱՆԱՍԻՐՈՒԹՅԱՆ ՖԱԿՈՒԼՏԵՏԻ

ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

ԳԻՏՔԱՐՏՈՒՂԱՐ՝

Ա. ԳԱԼՍՏՅԱՆ

Լ. ՄԵԼՔՈՆՅԱՆ